

Privredno društvo za proizvodnju i transport gasa
"BH-Gas" d.o.o. Sarajevo
Broj: 01-UD-0402-1882-14-3369 /24
Sarajevo, 18-10-2024

Na osnovu člana 51. Statuta "BH-Gas" d.o.o. Sarajevo i člana 29. Pravilnika o nabavci roba, radova i usluga br. 01-UD-0402-1882 od 15.05.2023. godine, a shodno članu 69. stav (1) pod b. Zakona o javnim nabavkama BiH (Sl. glasnik BiH br. 39/14 i 59/22), Ugovorni organ donosi,

O D L U K U **o poništavanju postupka javne nabavke**

Član 1.

Poništava se javna nabavka u skladu sa članom 69. stav (1) pod b. zbog naknadno utvrđenih nedosataka u tenderskoj dokumentaciji za: Izradu dokumentacije iz Zakona o zaštiti i spašavanju ljudi i materijalnih dobara:

- a) Procjena ugroženosti od prirodnih i drugih nesreća za gasovode i objekte BH-Gasa
- b) Plan zaštite od prirodnih i drugih nesreća.

Član 2.

Shodno članu 70. stav 6. Zakona o javnim nabavkama BiH, Odluka se objavljuje na internetskoj stranici BH-Gasa, i to istovremeno s upućivanjem date odluke ponuđačima koji su učestvovali u postupku javne nabavke.

Član 3.

Ova Odluka stupa na snagu danom donošenja.

Obrazloženje

Ugovorni organ je dana 13.09.2024. godine objavio na Portalu javnih nabavki obavještenje br. 876-7-2-70-3-61/24 za predmetnu nabavku. Otvaranje ponuda je bilo zakazano za 02.10.2024. godine u 13,30 sati. Pri pregledu i ocjeni ponuda, Komisija je uočila određene nedostatke nedefinisanjem određenih dokaza u tenderskoj dokumentaciji, te dala prijedlog za poništavanje postupka iz sljedećih razloga:

- ✓ Komisija je naknadno utvrdila propust u tenderskoj dokumentaciji pri definisanju profesionalne sposobnosti ponuđača.
Naime, pored onoga što je traženo u TD kao dokaz o obavljanju profesionalne sposobnosti bilo je neophodno tražiti da ponuđači dostave i Rješenje Ministarstva prostornog uređenja Federacije Bosne i Hercegovine za izradu Procjene ugroženosti od požara i Plana zaštite od požara, imajući u vidu da je u opisu predmeta nabavke (TD tačka 6.1) upravo navedeno da se pored ostalog treba izraditi i ova dokumentacija, a koju mogu raditi samo ona pravna lica koja posjeduju navedeno Rješenje, a sve u skladu sa Zakonom o zaštiti od požara i vatrogastvu (Službene novine Federacije BiH, broj 64/09) i Pravilnikom o kriterijima za kadrovske, tehničke i druge uslove koje moraju ispunjavati pravna lica za obavljanje poslova iz oblasti zaštite od požara (Službene novine Federacije BiH, broj 69/13 i 104/8).
- ✓ U skladu sa gore navedenim, ne mogu se naknadno zahtijevati dodatni dokazi od strane ponuđača koji su učestvovali u ovom postupku, s obzirom da je članom 68. Zakona o javnim nabavkama BiH u stavu (3), navedeno koja pojašnjenja ili dokumenta se mogu naknadno tražiti od ponuđača.
- ✓ S obzirom da se zbog gore navedenog propusta u prethodno objavljenoj tenderskoj dokumentaciji, ne može utvrditi da li ponuđači ispunjavaju zakonsku obavezu, posjedovanjem gore navedenog rješenja, predlaže se poništavanje predmene nabavke i ponavljanje postupka uz uslov adekvatne izmjene tenderske dokumentacije.

Također, Komisija je utvrdila da je:

- Ponuda Grupe ponuđača: INZA d.o.o. Sarajevo, lider i IRC d.o.o. Istočno Sarajevo neprihvatljiva, jer su isti na koverti naznačili da nastupaju kao Grupa ponuđača i to: INZA d.o.o. kao lider i IRC d.o.o. kao član, dok se detaljnim uvidom u originalnu ponudu konstatovalo da je ponuđač INZA d.o.o. dostavio ponudu kao samostalan član, odnosno nije ispravno popunjen Anex I, Nacr. Ugovora, niti su dostavljeni dokazi u skladu sa tačkom 12. Tenderske dokumentacije.

- Ponuđač Centar za projektovanje i konsalting „CPK“ d.o.o. Banja Luka u Nacrtu Ugovora nije naveo rok plaćanja u članu 3. Nacrta Ugovora, a u skladu sa tačkom 26. Tenderske dokumentacije.

S tim u vezi odlučeno je kao u dispozitivu odluke.

PRAVNA POUKA:

Protiv ove odluke može se uložiti žalba u roku od 5 (pet) dana od dana prijema iste sukladno članu 101. stav (5) pod c. Zakona o javnim nabavkama BiH. Žalba se podnosi neposredno na adresu ugovornog organa: BH-Gas d.o.o. Sarajevo, Obala Kulina bana 8/III, 71000 Sarajevo.

Dostaviti:

- članovima komisije
- ekonomsko-finansijskom sektoru
- a/a

UPRAVA BH-GAS D.O.O.

v.d. IZVRŠNI DIREKTOR

Dževad Bećirević, dipl.ing.maš.



v.d. DIREKTOR

Edis Baković, dipl.ing.maš.

